

PREKUCANA IZJAVA

**ODBOR ZA ZAŠTITU LJUDSKIH PRAVA I SLOBODA  
NOVI PAZAR, SANDŽAK**

ADRESA: OSMANA ĐIKIĆA BR. 2 – 36300 NOVI PAZAR, SANDŽAK – TEL./FAX 0038 20 29 312



\_\_\_\_\_ 199\_\_ god

**IZJAVA**

Ime i prezime NEDŽAD CRVČANIN datum rođenja 28. 03. 1956.  
Mjesto Sjenica br. lk. i mjesto izdavanja 15725 SUP Sjenica  
Datum događaja 16. 03. 1993. mjesto događaja Zaječar-VP 6002-10/3 u koliko sati 19 i 45 min  
Imena svjedoka \_\_\_\_\_

Ko je povredio vaša prava Bonović (desetar-plaćeni vojnik)

OPIS DOGAĐAJA

Crvčanin Ramo, rođen 16. 10. 1974. god. javio se 5. 02. 1993. god na služenje vojnog roka u Zaječar VP 6002-10/3. Dana 17. 03. 1993. godine, došla su dvojica pukovnika čija su prezimena Cimbalević iz Raške i Aleksić iz Užica i pri tom nam saopštili za tragičnu smrt našeg sina Rama Crvčanina. Prema njihovoj izjavi vojnik Ramo je nastradao u kasarni prilikom obračuna desetara Bonovića (plaćenog vojnika) sa nekim od vojnika. Prema njihovom navodu u želji da ih razvadi Ramo je zadobio smrtonosan udarac u predjelu vrata vojničkim nožom-bajonetom koji mu je presekao aortu. Taj događaj se zbio 16. 03. 1993. god. i još uvijek za nas i njegovu porodicu, je pod velom misterije. Naime, mi izražavamo opravdanu sumnju da je slučaj bio nenameran incident jer otkud baš Ramo koji je ujedno bio i jeđini Musliman u kasarni da se nađe u toj situaciji da izgubi život. Poznavajući njega i njegov karakter nespojivo je da se on miješa u bilo kakve tuče ili incidentne situacije. Ono što pohranjuje našu sumnju jesu izvještaji lekara i očevidaca, prisutnih oficira je i to da pored vrste povrede od koje smrt nastupa trenutačno da je period od momenta povrede do trenutka smrti negdje oko 45 minuta. Oni u svom izvještaju navode kako je nastradali Ramo bio živ do momenta dolaska u bolnicu. Oni navode da su pokušali sredstvima za reanimaciju da povrate nastradalog iz komatoznog stanja što nije realno obzirom da je presečenu aortu mogao da spoji samo operativni zahvat. Povreda glave od bajoneta potlaži od lijeve strane čela, silazi koso niz obraz do ušne resice koja je presečena i produžuje ka vratu gdje se jasno vidi zjapuća rana nastala usljed uboda nožom prečnika 3cm. Opšte stanje nastradalog

DATUM \_\_\_\_\_  
MJESTO \_\_\_\_\_

IZJAVU DAO \_\_\_\_\_

IZJAVU UZEO U IME ODBORA \_\_\_\_\_

Rama i izjave zvaničnika tzv. Jugoslovenske armije su u dubokoj kontradiktivnosti što nas, njegove rođake i prijatelje navodi da sumnjamo u sve navode pomjenutih zvaničnika. Za nas je smrt našeg Rama misteriozna i obavijena velom tajne iako mi smatramo da je uzrok njegove smrti njegova nacionalna pripadnost. Jedino što možemo u ovom momentu kao rodbina nastradalog da učinimo jeste da tužimo vojsku tzv. Jugoslavije kao državnu instituciju jer je smatramo direktno odgovornu za ono što se dogodilo našem tragično nastradalom Crvčanin Ramu. Ovaj slučaj je ostavio duboke psihičke posljedice na cijelu našu porodicu i cijeli muslimanski narod u ovom kraju. Postavlja se pitanje šta uraditi sa onom našom djecom koju čeka vojna obaveza. Da li pod silom zakona zbog odbijanja služenja vojnog roka pristati da ona idu u zatvor ili ih slati u sigurnu smrt.

